

כה^{שישי} ויסף אברהם ויקח אשה ס
 ב ושמה קטורה: ותלד לו את-
 זמרון ואת-יקשן ואת-מרון
 ואת-מדין ואת-ישבק ואת-
 ג שוח: ויקשן ילד את-שבא
 ואת-דרן ובני דרן היו אשורים
 ד ולטושם ולאמים: ובני מדין
 עיפה ועפר וחנך ואבירע
 ואלדעה כל-אלה בני קטורה:
 ה ויתן אברהם את-כל-אשר-לו
 וליצחק: ולבני הפילגשים אשר
 לאברהם נתן אברהם מתנת
 וישלחם מעל יצחק בנו
 בעודנו חי קדמה אל-ארץ
 ז קדם: ואלה ימי שני-חיי
 אברהם אשר-חי מאת שנה
 ושבעים שנה וחמש שנים:
 ח ויגוע וימת אברהם בשיבה
 טובה זקן ושבע ויאסף אל-
 ט עמיו: ויקברו אתו יצחק
 וישמעאל בניו אל-מערת
 המכפלה אל-שדה עפרן
 בן-צחר החתי אשר על-פני
 י ממרא: השדה אשר-קנה
 אברהם מאת בני-חת שמה
 קבר אברהם ושרה אשתו:
 יא ויהי אחרי מות אברהם ויברך
 אלהים את-יצחק בנו וישב
 יצחק עם-באר לחי ראי:

ז
 יב ואלה תולדת ישמעאל בן-
 אברהם אשר ילדה הגר
 המצרית שפחת שרה
 יג לאברהם: ואלה שמות בני
 ישמעאל בשמתם לתולדתם
 בכר ישמעאל נבית וקדר
 יד ואדבאל ומבשם: ומשמע
 טו ודומה ומשא: חרד ותימא
 טז וטור נפיש וקדמה: אלה הם
 בני ישמעאל ואלה שמותם
 בחצריהם ובטירתם שנים-
 יז עשר נשיאם לאמתם: ואלה
 שני חיי ישמעאל מאת שנה
 ושלשים שנה ושבע שנים
 ויגוע וימת ויאסף אל-עמיו:
 יח וישכנו מחוילה עד-שור אשר
 על-פני מצרים באכה אשורה
 על-פני כל-אחיו נפל:
 תולדת
 יט ואלה תולדת יצחק בן- ס
 אברהם אברהם הוליד את-
 כ יצחק: ויהי יצחק בן-ארבעים
 שנה בקחתו את-רבקה בת-
 בתואל הארמי מפון ארם
 אחות לבן הארמי לו לאשה:
 כא ויעתר יצחק ליהוה לנכח
 אשתו כי עקרה הוא ויעתר
 לו יהוה ותהר רבקה אשתו:
 כב ויתרצו הפנים בקרבה

ותאמר אם-כן למה זה אנכי
 יב ותלך לדרש את-יהוה: ויאמר
 יהוה לה שני גיים בבטנך ושני
 לאמים ממעיך יפרדו ולאם
 מלאם יאמץ ורב יעבד צעיר:
 יג וימלאו ימיה ללדת והנה
 כד תומם בבטנה: ויצא הראשון
 אדמוני כלו כאדרת שער
 ט ויקראו שמו עשו: ואחרי-כן
 יצא אחיו וידו אחזת בעקב
 עשו ויקרא שמו יעקב ויצחק
 בן-ששים שנה בלדת אתם:
 יז ויגדלו הנערים ויהי עשו איש
 ידע ציד איש שדה ויעקב איש
 כח תם ישב אהלים: ויאהב יצחק
 את-עשו כי-ציד בפיו ורבקה
 כט אהבת את-יעקב: ויזד יעקב
 נזיד ויבא עשו מן-השדה
 ל והוא עיף: ויאמר עשו אל-
 יעקב הלעיטני נא מן-האדם
 האדם הזה כי עיף אנכי על-כן
 לא קרא שמו אדום: ויאמר יעקב
 מכרה כיום את-בכרתך לי:
 לב ויאמר עשו הנה אנכי הולך
 למות ולמה-זה לי בכרה:
 לג ויאמר יעקב השבעה לי כיום
 וישבע לו וימכר את-בכרתו
 לד ליעקב: ויעקב נתן לעשו
 לחם וגזיר עדשים ויאכל
 וישת ויקם וילך ויבז עשו